


0 10 20 30 40 50 60 70 80 90 100 110 120 130 140 150 160 170 180 190 200

Inches
Centimetres
1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30 31 32 33

Kodak Color Control Patches



傳
6(11).01
856

21612
1冊

杜工部年譜

冊 1 函 書 號 21612

杜工部年譜

唐睿宗先天元年壬子

即景雲三年正月改元太極五月改延和八月改先天

公生

呂汲公詩譜云墓誌本傳皆言公年五十九歲卒於大歷五年庚戌則當生於是年蔡興宗魯嘗黃鶴諸譜同

元宗開元元年癸丑

即先天二年十二月改元

開元三年乙卯

公劔器行序云開元三年余尚童稚記於郾城觀公孫氏舞劔器黃鶴曰公七歲能詩則四歲記事非不能矣呂譜疑其年必有誤非也

開元六年戊午

公壯遊詩云七齡思即壯開口詠鳳凰又進鵬賦表云自七歲所綴詩筆向四十載矣約千有餘篇

開元八年庚申

杜詩鏡詮

年譜

壯遊詩云九齡書
大字有作成一囊

開元十四年丙寅

壯遊詩云往昔十四五出遊翰
墨場斯文崔魏徒以我似班揚

開元十九年辛未

公年二十遊吳越

黃曰公進大禮賦表云浪跡於陛下豐草長林
實自弱冠之年則其遊吳越乃在開元十九年

自是下姑蘇渡浙江遊剡溪久之方歸○朱鶴齡曰按公哭章之晉詩悽愴
郇瑕邑羞池弱冠年又酬寇侍御詩往別郇瑕地於今四十年郇瑕晉地也

公弱冠之時嘗遊晉地當是
游晉後方為吳越之遊也

開元二十三年乙亥

公自吳越歸赴京兆貢舉不第

黃曰公本傳嘗舉進士不
第故壯遊詩云歸帆拂天

姥中歲貢舊鄉忤下考功第獨辭京兆堂按史唐初考功郎掌貢舉至開元
二十四年考功郎李昂為舉人詆訶帝以員外郎望輕徙禮部以侍郎主之
則公下考功第當在二十三年蓋唐制年年貢士也選舉志每歲仲
冬州縣館監舉其成者送之尚書省舊史云天寶初應進士不第非

開元二十五年丁丑

公遊齊趙

朱曰按壯遊詩忤下考功第獨辭京兆堂放蕩齊趙間裘
馬頗清狂是下第後即遊山東之明證但未詳起於何年

今姑依魯言黃鶴諸譜又按壯遊詩不言遊兗州而集中頗多兗
州所作蓋兗州與齊州接壤公過齊州蓋在兗州趨庭之後也

開元二十九年辛巳

公年三十在東都

是年寒食祭遠祖當
陽君於洛之首陽

天寶元年壬午

正月
改元

公在東都

是年公姑萬年縣君卒於東京仁
風里六月還殯河南縣公作墓誌

杜詩鏡詮

年譜

天寶三載甲申

五月改
年為載

公在東都

五月公祖母范陽太君卒於陳畱之私第八月歸葬偃師公作墓誌○朱曰按是時太白自翰林放歸客遊梁宋齊

魯相從賦詩正在天寶三四載間舊譜謂開元二十五年公從高適李白過汴州登吹臺懷古以寄李十二白詩證之其謬信矣

天寶四載乙酉

公在齊州

是年撰皇甫淑如神道碑夏陪李北海宴歷下亭○按高適李白俱有贈邕詩當是同時白有魯郡石門別杜二

甫詩或四五
載之秋也

天寶五載丙戌

公歸長安

黃曰壯遊詩放浪齊趙間裘馬頗清狂快意八九年西歸到咸陽則歸京師在天寶四五載

天寶六載丁亥

公應詔退下畱長安

元結論友文云天寶六載詔天下有一藝詣轅下李林甫命尚書省試皆下之遂賀

野無遺賢時公與
結皆應詔而退

天寶七載戊子

公在長安

天寶八載己丑

公在長安間至東都

公洛城北謁玄元廟詩云五聖聯龍袞唐史加五帝大聖字在八載閏六月可證是

年公又
在東都

天寶九載庚寅

公在長安

天寶十載辛卯

公年四十在長安進三大禮賦元宗奇之命待制

集賢院

魯言曰公奏三大禮賦史集皆以為十三載按帝紀十載行三大禮十三載未嘗郊況表云臣生長陛下淳朴之俗行四十載矣故知當在今歲○是年作秋述

天寶十一載壬辰

公在長安召試文章送隸有司參列選序

天寶十二載癸巳

公在長安

天寶十三載甲午

公在長安

黃曰是年進封西嶽賦

天寶十四載乙未

授河西尉不拜改右衛率府胄曹參軍十一月往

奉先

魯曰公在率府其家先在奉先詩史云薊北反書未聞公已逸身畿甸

肅宗至德元載丙申

即天寶十五載七月肅宗即位靈武改元

五月自奉先往白水依舅氏崔少府六月又自白水往鄜州聞肅宗即位自鄜羸服奔行在遂陷賊中

至德二載丁酉

四月脫賊謁上鳳翔拜左拾遺疏救房琯上怒詔

三司推問宰相張鎬救之獲免八月墨制放還鄜

州省家十月上還西京公扈從是年六月一日有奉謝口勅放三司推問狀又有同

遺補薦岑參狀○仇兆鰲曰接收京詩生意甘衰白天涯正寂寥忽聞哀痛詔又下聖明朝是時十一月初公尚在鄜州其至京當在十一月年譜

謂十月扈從還京與詩不合當以公詩為正

乾元元年戊戌二月改元復以載為年

任左拾遺六月出為華州司功冬晚離官間至東

都是年十月有為華州郭使君進滅殘寇形勢圖狀有試進士策問五首

乾元二年己亥

春自東都回華州關輔饑七月棄官西去度隴客
秦州卜西枝村置草堂未成十月往同谷寓同谷
不盈月十二月入蜀至成都

上元元年庚子閏四月改元

公在成都卜居浣花溪是年營草堂公詩所云經營上元始是也又云頻來語燕定新巢則三月堂成

上元二年辛丑九月去年號止稱元年以十一月為歲首以斗所建辰為名

公年五十居成都草堂間至蜀之新津青城是年秋作唐興

縣客館記

代宗寶應元年壬寅建巳月代宗即位改元復以正月為歲首建巳月為四月

公居成都草堂七月送嚴武還朝到綿州未幾西
川兵馬使徐知道反因入梓州冬復歸成都迎家
至梓十二月往射洪南之通泉皆梓屬邑

是年建已
月公上嚴

武說旱○仇曰公迎妻子不見詩題恐是遣弟往迎
有弟占歸草堂詩熟知江路返頗為草堂迴可證

廣德元年癸卯

七月
改元

公在梓州春間往漢州秋往閬州冬晚復回梓州

是歲召補京兆功曹不赴

是年有為閬州王使君進論巴
蜀安危表九月有祭房相國文

廣德二年甲辰

春復自梓州往閬州嚴武再鎮蜀春晚遂歸成都

草堂六月武表為節度參謀檢校工部員外郎賜

緋魚袋

是年上武東
西兩川說

永泰元年乙巳

正月
改元

正月辭幕府歸草堂四月嚴武卒五月遂離蜀南
下自戎州至渝州六月至忠州秋至雲安居之

大曆元年丙午

十一月
改元

春自雲安之夔州居之秋寓西閣

是年有為夔府
柏都督謝上表

大曆二年丁未

公在夔州春遷居赤甲三月遷瀼西秋遷東屯未

幾復自東屯歸瀼西

大曆三年戊申

正月去夔出峽、三月至江陵、秋移居公安、冬晚之岳州、

大曆四年己酉

正月自岳州之潭州、未幾入衡州、夏畏熱復回潭

州、朱曰、公有衡州送李勉及回棹二詩、當是其年嘗間至衡州、不久復回長沙也。○時欲歸襄漢、不果、自是率舟居。

大曆五年庚戌

公年五十九、春在潭州、夏四月、避臧玠亂、入衡州、

欲如郴州、依舅氏崔偉、因至耒陽、泊方田驛、秋舟

下荆楚、竟以寓卒、旅殯岳陽、

仇曰、此條朱氏刪去、舊譜非是、五年冬有送李衡詩云、與子避

地西康州、洞庭相逢十二秋、公以乾元二年冬寓同谷、至大曆五年為十
二秋、又風疾舟中、詩云、十暑岷山葛、三霜楚戶砧、公以大曆三年春適湖
南、至五年秋為三霜、以二詩證之、安得曰五年之夏、卒於耒陽乎、其卒當
在潭岳之交、秋冬之際、况元稹作誌在舊史前、初無半肉白酒之說、夫不
信子孫之行、述而信史氏之
傳聞、其亦昧於權衡審擇矣、

Blank manuscript page with vertical columns.



